

# Kev Ua Kom Paub Leej Txiv

Cov me nyuam yuav tsum tau kev pab ntawm ob leej niam txiv; muab kom tau qhov zoo tshaj rau koj tus mos liab hauv nws lub neej uas yog nrhiav kom paub nws txiv kom sai li sai tau. Ua kom tiav daim foos Voluntary Paternity Acknowledgement (VPA), uas yog cia rau cov niam cov txiv qhia paub txog leej txiv yam tsis tas mus sib hais hauv tsev hais plaub.

## Yog Vim Li Cas Kev Paub Leej Txiv Thiaj Tseem Ceeb?

Kev ua kom paub leej txiv ua rau tus me nyuam:

- Tau leej txiv lub npe tso rau ntawm daim ntawv pov thawj yug nws
- Paub niam thiab txiv ob leeg tib si
- Tau nyiaj pab nws los ntawm niam thiab txiv ob leeg tib si
- Tau cov ntaub ntawv paub txog tsev neeg keeb kwm kev mob nkeeg yav dhau los
- Muaj feem txais tau ntawv tuav pov hwm kho mob (health insurance), social security, thiab tau niam txiv tej khoom qub txeeg qub teg

## Kev Ua Kom Paub Leej Txiv los ntawm Daim Voluntary Paternity Acknowledgement Form

Daim foos VPA yog ib daim ntawv tseem ceeb raws cai uas yog muab lub cib fim rau leej txiv uas tsis tau yuav leej niam tso nws lub npe rau ntawm tus me nyuam daim ntawv pov thawj yug nws. Qhov kos npe rau ntawm daim foos VPA, yog leej niam thiab txiv ua kom paub nkawv tus me nyuam leej txiv raws cai.

Daim foos no tsis cia li muab txoj cai tam sid rau leej txiv saib xyuas tus me nyuam los yog ua qhov chaw nyob rau tus me nyuam. Raws li Wisconsin txoj cai, leej niam uas tsis tau yuav leej txiv yog tib tus muaj cai saib xyuas tus me nyuam kom txog rau thaum lub tsev hais plaub txiav txim rau leej txiv. Cov kev pab kom tau saib xyuas tus me nyuam raws cai thiab ua qhov chaw nyob rau tus me nyuam muaj nyob hauv tsev hais plaub thiab kws lij choj hauv zos.

Daim foos no tsis yog siv rau qhov kom them nyiaj yug me nyuam. Yuav kom tau qhov nyiaj them yug tus me nyuam, cov niam cov txiv yuav tsum mus cuag lub chaw khiav hauj lwm saib xyuas kev txiav nyiaj them yug me nyuam (child support agency) los yog kws lij choj hauv zos.

Yog hais tias ob tus niam txiv tsis kos npe rau daim VPA, ib tus niam txiv twg yuav mus cuag tau tsev hais plaub kom txiav txim tias yog leej txiv. Hu mus rau lub chaw khiav hauj lwm saib xyuas kev txiav nyiaj them yug me nyuam los yog kws lij choj kom paub ntxiv.

Tsis txhob kos npe rau daim VPA tshwj tias yog tus niam thiab tus txiv yeej paub tseeb tias tus txiv neej uas kos npe rau daim foos yog leej txiv uas muab roj ntsha rau tus me nyuam. Yog koj paub tsis tseeb, xub nug lub chaw khiav hauj lwm saib xyuas kev them nyiaj yug me nyuam kom kuaj roj ntsha noob caj ces. Yog koj muaj lus nug, tham nrog lub chaw khiav hauj lwm saib xyuas kev them nyiaj yug me nyuam hauv koj lub zos, ib tus kws lij choj, los yog mus saib <https://dcf.wisconsin.gov/cs/paternity/establish> ua ntej kos npe rau daim foos.

Tsis txhob siv daim foos no yog hais tias:

- Leej niam yuav txiv thaum lub sij hawm muaj tus menyuam los yog yug tus me nyuam
- Tsis hais leej niam los yog leej txiv tseem tsis tau muaj 18 xyoos
- Qhov ua kom paub leej txiv no tsis yog ib qho zoo rau tus me nyuam

Rights and responsibilities are listed on the VPA. Find more information about legal fatherhood and child support online at <https://dcf.wisconsin.gov/cs/home>.

For more information or services, contact your local child support agency <https://dcf.wisconsin.gov/cs/agencylist>.

# Hais Txog Daim Voluntary Paternity Acknowledgement Form

Daim foos VPA no muaj nyob hauv cov tsev kho mob, cov chaw khiav hauj lwm saib xyuas kev txiav nyiaj them yug me nyuam, thiab hauv qhov chaw ua

hauj lwm khaws ntaub ntawv Register of Deeds. Ob leej niam thiab txiv yuav tsum kos npe rau daim foos VPA nyob tim ntsej tim muag ntawm ib tus neeg ntaus lwb thwj notary public, thiab yuav nrhiav tau tus neeg no hauv cov tsev kho mob, cov chaw khiav hauj lwm saib xyuas kev txiav nyiaj them yug me nyuam, tuam txhab tso nyiaj, credit unions, thiab tsev hais plaub.

Nws yuav muaj ib tus nqi them rau qhov ua daim foos VPA. Muaj ib cov tsev kho mob thiab chaw khiav hauj lwm saib xyuas kev txiav nyiaj them yug me nyuam kuj yuav pab tau cov niam


cov txiv them tus nqi. Saib sab nraum qab ntawm daim foos VPA kom paub tus nqi. Xa ib daim tshev los yog money order them rau daim foos kom yog nws tus nqi thiab ib daim luam ntawm daim ntawv pov **thawj yug tus me nyuam. Sau daim tshev los yog money order mus rau State of Wisconsin Vital Records.**



# Kev Rho Daim Paternity Acknowledgement Form

Tus niam thiab tus txiv tsis hais leej twg yeej ua tau daim ntawv thov rho daim foos Request to Withdraw VPA tom qab ua daim foos VPA tsis tau dhau 60 hnuv (ua ntej tsev hais plaub txiav txim qhov teeb meem hais txog leej txiv). Nws muaj ib tus nqi them rau daim ntawv ua mus thov rho daim foos VPA.

Daim foos Request to Withdraw VPA muaj nyob hauv lub tsev kho mob uas yug tus me nyuam, lub chaw khiav hauj lwm saib xyuas kev txiav nyiaj them yug me nyuam hauv koj lub zos, thiab lub xeev qhov chaw ua hauj lwm khaws tej ntaub ntawv pov thawj sib yuav, ntawv pov thawjtau me nyuam mos liab thiab ntawv pov thawj neeg tuag (vital records).



DCF is an equal opportunity employer and service provider. If you have a disability and need to access services, receive information in an alternate format, or need information translated to another language, please call (608) 266-9909. Individuals who are deaf, hard of hearing, deaf-blind or speech disabled can use the free Wisconsin Relay Service (WRS) – 711 to contact the department.